

REGIONAL NEWS UNIT
ALL INDIA RADIO, AGARTALA
Date: 25-04-2024
Time: 07:55-08:05 PM Hrs
BENGALI EVENING BULLETIN

Headlines :

- (১) অষ্টাদশ লোকসভা নির্বাচনের দ্বিতীয় পর্যায়ে ভোটগ্রহণ আগামীকাল ।
- (২) পূর্ব ত্রিপুরা উপজাতি সংরক্ষিত লোকসভা আসনেও আগামীকাল ভোট নেয়া হবে ।
- (৩) রাজ্যপাল ইন্দ্রসেনা রেড্ডি নাল্লু ম্যালেরিয়া দূরীকরণে সচেতনাত বৃদ্ধির উপর গুরুত্বারোপ করেছেন ।
- (৪) টিসিএ পরিচালিত অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতায় সদর-বি চ্যাম্পিয়ন ।

2nd phase :

আর মাত্র কয়েকঘন্টা। লোকসভা নির্বাচনের দ্বিতীয় পর্যায়ের ভোটগ্রহণ। আউটার মণিপুর লোকসভা কেন্দ্রের অবশিষ্ট অংশ সহ ১৩টি রাজ্য ও কেন্দ্রশাসিত অঞ্চলের ৮৮টি লোকসভা আসনের জন্য আগামীকাল নির্বাচন অনুষ্ঠিত হবে। কেরালার ২০টি আসন, কর্ণাটকের ১৪টি আসন, রাজস্থানের ১৩টি আসন, উত্তরপ্রদেশ ও মহারাষ্ট্রের আটটি আসন, মধ্যপ্রদেশের ছয়টি আসন, আসাম ও

বিহাৰে পাঁচটি আসন, পশ্চিমবঙ্গ ও ছত্তিশগড়ের তিনটি করে আসন, মণিপুর, ত্ৰিপুৰা এবং জম্মু ও কাশ্মীৰে এই পৰ্বে একাটি করে আসনে ভোট হবে।

বিএসপি প্ৰাৰ্থীৰ মৃত্যুৰ কাৰণে মধ্যপ্ৰদেশেৰ বেতুল, উপজাতি সংৰক্ষিত সংসদীয় আসনেৰ জন্য ভোটগ্ৰহণ যা আগামীকালেৰ পৰিবৰ্তে তৃতীয় ধাপে অনুষ্ঠিত হবে।

১৩টি রাজ্য ও কেন্দ্ৰশাসিত অঞ্চলেৰ মোট এক হাজাৰ ১৯৮ জন প্ৰাৰ্থী এবং আউটাৰ মণিপুর লোকসভা কেন্দ্ৰেৰ চাৰজন প্ৰাৰ্থী এই পৰ্বে প্ৰতিদ্বন্দ্বিতায় রয়েছেন।

Election-East Tripura :

পূৰ্ব ত্ৰিপুৰা উপজাতি সংৰক্ষিত লোকসভা আসনে ভোট গ্ৰহণ আগামীকাল। সকাল ৭টা থেকে ভোট গ্ৰহণ শুরু হবে। চলবে বিকেল ৫টা পৰ্যন্ত। কড়া নিৰাপত্তাৰ মধ্য দিয়ে ভোট কৰ্মীৰা আজ ভোট সামগ্ৰী নিয়ে ইতিমধ্যে স্ব স্ব ভোট কেন্দ্ৰে পৌঁছে গেছেন। এই আসনে আগামীকাল মোট ৯ জন প্ৰাৰ্থীৰ ভাগ্য নিৰ্ধাৰণ কৰা হবে। প্ৰাৰ্থীৰা হলেন বিজেপি'ৰ কৃতি দেবী দেববৰ্মণ, ইন্ডিয়া জোট সমৰ্থিত সিপিআইএম প্ৰাৰ্থী রাজেন্দ্ৰ রিয়াং তাছাড়া বাকি ৭ জন নিৰ্দল প্ৰাৰ্থীৰা হলেন কৃষ্ণ মোহন জমাতিয়া, দৰ্শন কুমাৰ রিয়াং, কল্প মোহন ত্ৰিপুৰা, শত্ৰুঘ্ন জমাতিয়া, অৰ্চনা উৰাং, শিবচন্দ্ৰ দেববৰ্মা ও সান্তোজয় ত্ৰিপুৰা। নিৰ্বাচন দপ্তৰ আগামীকাল ভোটগ্ৰহণ শান্তিপূৰ্ণভাবে সম্পন্ন কৰাৰ জন্য সব ধৰনেৰ ব্যবস্থা গ্ৰহণ করেছে। পূৰ্ব ত্ৰিপুৰা লোকসভা আসনেৰ रिটার্নিং অফিসাৰ সাজু ওয়াহিদ এ আকাশবাণীকে

জানিয়েছেন, এই আসনে মোট ভোটার রয়েছেন ১৩ লক্ষ ৯৬ হাজার ৭৬১ জন। এরমধ্যে ১৮ থেকে ১৯ বছর বয়সী ভোটার রয়েছেন ৩৮ হাজার ২৪৫ জন। দিব্যাঙ্গ ভোটার ১১ হাজার ১২ জন। ৮৫ বছর ঊর্ধ্ব ভোটার ৮ হাজার ৯৪২ জন এবং সার্ভিস ভোটার রয়েছেন ৪ হাজার ৬৭৮ জন। পূর্ব ত্রিপুরা লোকসভা আসনের অধীন ৩০টি বিধানসভা ক্ষেত্রে ভোটগ্রহণ কেন্দ্র রয়েছে ১,৬৬৪টি। এরমধ্যে মডেল ভোটগ্রহণ কেন্দ্র ৬১টি, মহিলা পরিচালিত ৬৭টি, দিব্যাঙ্গ ৩০টি এবং যুবা ভোটকর্মী দ্বারা পরিচালিত ভোটগ্রহণ কেন্দ্র রয়েছে ৩০টি। এই আসনে ১৬,২৬০ জন বৃদ্ধ ভোটার তাদের ভোটাধিকার প্রয়োগ করবেন।

ইতিমধ্যে ৮৫ বছর ঊর্ধ্ব ভোটার এবং পিডব্লিউডি ভোটারদের বাড়ি বাড়ি ভোট গ্রহণ পর্বও ইতিমধ্যে সম্পন্ন হয়েছে। তিনি বলেন,

#####Byte#####

রিটার্নিং অফিসার আরো জানান, গরমের কথা চিন্তা করে প্রতিটি ভোটগ্রহণ কেন্দ্রে পানীয় জল থেকে শুরু করে বিদ্যুৎ সব ধরনের ব্যবস্থা রাখা হয়েছে। পর্যাপ্ত নিরাপত্তা ব্যবস্থা প্রদান করা হয়েছে। তাছাড়া প্রতিটি ভোট গ্রহণ কেন্দ্রে সিসিটিভি ক্যামেরা লাগানো হয়েছে। জেলাশাসকের কনফারেন্স হলে কন্ট্রোল রুম করা হয়েছে। যেকোনো ধরনের অভিযোগ সেখানে গ্রহণ করা হবে এবং প্রয়োজনীয় ব্যবস্থা গ্রহণ করা হবে, প্রয়োজন হলে রিটার্নিং অফিসারকেও ফোন করা যাবে।

দিব্যাঙ্গদের ভোটদানে অগ্রাধিকার দেওয়া হবে। তাছাড়াও হুইল চেয়ারের ব্যবস্থা করা হয়েছে। দৃষ্টিহীনদের জন্য ব্রেইলে ভোটার ইনফরমেশন স্লিপ এবং ইভিএমে ব্রেইলের ব্যবস্থা করা হয়েছে।

পূর্ব আসনে নির্বাচনের কাজ তদারকির জন্য নির্বাচন কমিশনের সাধারণ পর্যবেক্ষক রয়েছেন ২ জন, পুলিশ পর্যবেক্ষক ২ জন এবং ১ জন ব্যয় সংক্রান্ত পর্যবেক্ষক রয়েছেন। মাইক্রো অবজারভার রয়েছেন ১,৩৬৫ জন। ভোটারদের সুবিধার জন্য হেল্পলাইন নম্বর খোলা হয়েছে। জেলা হেল্পলাইন নম্বর হলো ১৯৫০ এবং রাজ্য হেল্পলাইন নম্বর হলো ১৮০০৩৪৫০১৯৫০।

আগামীকাল ভোটগ্রহণের দিন সমস্ত ভোটকেন্দ্রেই ওয়েবকাস্টিংয়ের ব্যবস্থা করা হয়েছে।

ECI :

ভারতের নির্বাচন কমিশন আগামীকালের লোকসভা নির্বাচনের জন্য প্রস্তুত। এদিকে আবহাওয়া পরিস্থিতি স্বাভাবিক সীমার মধ্যে থাকার পূর্বাভাস রয়েছে। ভোটাররা যাতে স্বাচ্ছন্দ্যে ভোট দিতে পারেন, সেজন্য তাদের সুবিধার্থে, গরম আবহাওয়া মোকাবেলার সুবিধাসহ সব সুবিধা ভোটকেন্দ্রে সুনিশ্চিত করা হয়েছে। এই পর্বের পর ভোটগ্রহণের বাকি ৫ ধাপের ভোটগ্রহণ চলবে পয়লা জুন পর্যন্ত এবং ভোট গণনা হবে চৌঠা জুন। প্রথম ধাপে ১০২টি আসনের ভোটগ্রহণ গত ১৯ এপ্রিল সুষ্ঠু ও শান্তিপূর্ণভাবে সম্পন্ন হয়।

নির্বাচন কমিশন, ভোটারদের প্রতি, ভোটকেন্দ্রে বেশি সংখ্যায় উপস্থিত হয়ে দায়িত্ব ও গর্বের সঙ্গে ভোট দেওয়ার আহ্বান জানিয়েছে।

আগামীকাল সকাল ৭টা থেকে সন্ধ্যা ৬টা পর্যন্ত ভোট নেয়া হবে। তবে স্থান বিশেষে ৫টা পর্যন্ত ভোট হবে।

আগামীকাল ১৬ লক্ষেরও বেশি পোলিং অফিসার ১ লক্ষ ৬৭ হাজার ভোটকেন্দ্রে ১৫ কোটি ৮৮ লক্ষ ভোটারের ভোট গ্রহণ করবেন। এই পর্বে নতুন ভোটার ৩৪ লক্ষ ৮০ হাজার।

Press Meet-Kailashahar :

ঊনকোটি জেলাতে আগামীকালের ভোটে ১ লক্ষ ৯৪ হাজার ৫৬০ জন ভোটার তাঁদের ভোটাধিকার প্রয়োগ করবেন। এরমধ্যে পুরুষ ৯৭ হাজার ৪৯৯ জন, মহিলা ভোটার রয়েছেন, ৯৭ হাজার ৫৯ জন, তৃতীয় লিঙ্গের ভোটার রয়েছেন দুইজন। আজ দুপুরে কৈলাশহর সার্কিট হাউসে সাংবাদিক সম্মেলনে নির্বিঘ্নে ভোটগ্রহণপর্ব সম্পন্ন করতে গৃহীত প্রশাসনিক প্রস্তুতি নিয়ে জানান, ঊনকোটি জেলা নির্বাচন আধিকারিক তথা জেলা শাসক দিলীপ কুমার চাকমা। তিনি জানান, নির্বাচনে ১৭২ জন মাইক্রো-অবজারভার থাকছেন। তিনি জানান, এ পর্যন্ত C-vigil এর মাধ্যমে প্রাপ্ত তিনটি অভিযোগের নিষ্পত্তি হয়েছে। গোটা ঊনকোটি জেলাতে ১৪৪ ধারা বলবৎ করা হয়েছে। তা বহাল থাকবে আগামী ২৭শে এপ্রিল সকাল ৬টা পর্যন্ত। ঊনকোটি জেলাতে ১২ কোম্পানি কেন্দ্রীয় সশস্ত্রবাহিনী ঊনকোটি জেলাতে এসেছে বলে তিনি জানান।

Election-Unakoti District :

ঊনকোটি জেলার কৈলাশহরের রাধাকিশোর ইনস্টিটিউশন ও কুমারঘাটের পাবিয়াছড়া কলোনী মাধ্যমিক বিদ্যালয় থেকে ভোটকর্মীরা ইতিমধ্যে স্ব স্ব ভোটকেন্দ্রে পৌঁছে গেছেন। উল্লেখ্য

যে, ঊনকোটি জেলাতে ২২৫টি ভোট কেন্দ্রের মধ্যে ২৫টি স্পর্শকাতর। ঊনকোটি জেলাতে আটটি ভোটকেন্দ্র সম্পূর্ণভাবে থাকছে মহিলা ভোটকর্মী পরিচালিত।

Malaria Day :

রাজ্যপাল ইন্দ্রসেনা রেড্ডি নাল্লু আজ রাজভবনের সোলাঙ্কি হলে বিশ্ব ম্যালেরিয়া দিবস পালন অনুষ্ঠানের উদ্বোধন করেন। অনুষ্ঠানে রাজ্যপাল বলেন, ম্যালেরিয়া নিয়ন্ত্রণ এবং নির্মূল করার জন্য সচেতনতা তৈরী করতে হবে। তিনি রাজ্য থেকে ম্যালেরিয়া রোগ নির্মূল করার জন্য সংশ্লিষ্ট সবাইকে ঐক্যবদ্ধভাবে এগিয়ে আসার আহ্বান জানান। অনুষ্ঠানে স্বাগত ভাষণ দেন ন্যাশনাল হেলথ মিশনের যুগ্ম অধিকর্তা বিনয় ভূষণ দাস। স্টেট ম্যালেরিয়া অফিসার ডা. অভিজিৎ দাস পশ্চিম ত্রিপুরা জেলার চিফ মেডিকেল অফিসার ডা. রঞ্জন বিশ্বাস প্রমুখ। ম্যালেরিয়া নির্মূলীকরণ নিয়ে আলোচনা করেন।

Election-North Tripura :

আজ সকাল থেকে ধর্মনগরের বিবিআই মাঠ থেকে কুর্তি-কদমতলা, বাগবাসা, ধর্মনগর এবং যুবরাজনগর বিধানসভা কেন্দ্রের ভোট কেন্দ্রগুলিতে ভোটকর্মীরা ইতিমধ্যে পৌঁছে গেছেন। এই জেলায় ১৭টি ভোট কেন্দ্র সম্পূর্ণ মহিলা পরিচালিত। তাছাড়া ১৪টি ভোট কেন্দ্র রয়েছে আদর্শ ভোট কেন্দ্র হিসাবে।

Election South Tripura :

আগামীকাল জোলাইবাড়ি বিধানসভার ৬০টি ভোটগ্রহণ কেন্দ্র, ঋষ্যমুখ বিধানসভার ৫৯টি, মনু বিধানসভার ৫৪টি ও সাব্রুম বিধানসভার ৫৩টি ভোটগ্রহণ কেন্দ্রে ভোটগ্রহণ করা হবে। বিলোনিয়া গার্লস স্কুল থেকে ঋষ্যমুখ বিধানসভার ভোটগ্রহণ কর্মীরা, শান্তিরবাজার মহকুমা শাসকের অফিস থেকে জোলাইবাড়ি বিধানসভার ও সাব্রুম মহকুমা শাসকের অফিস থেকে সাব্রুম ও মনু বিধানসভার ভোটকর্মীরা ভোট সামগ্রী নিয়ে ইতিমধ্যে স্ব স্ব ভোটকেন্দ্রে পৌঁছে গেছেন।

Election-Dhalai District :

ধলাই জেলার পুলিশ সুপার অবিনাশ রাই আজ জানিয়েছেন, জেলার প্রতিটি ভোট কেন্দ্রে কেন্দ্রীয় বাহিনী মোতায়েন করা থাকবে। তাছাড়া রাজ্য পুলিশ এবং টিএসআর বাহিনীও যথেষ্ট পরিমাণে মোতায়েন করা হয়েছে। প্রতিটি এলাকায় থাকছে পুলিশ সেক্টর অফিসার।

পূর্ব ত্রিপুরা লোকসভা কেন্দ্রে মোট ৬৭টি ভোট কেন্দ্রের দায়িত্বে থাকবে মহিলা ভোট কর্মী ও মহিলা নিরাপত্তা কর্মীরা। গোলাপী রঙের ড্রেস পরে মহিলা ভোটকর্মীরা ভোট সামগ্রী নিয়ে স্ব স্ব ভোট কেন্দ্রে পৌঁছে গেছেন।

Security arrangement-Khowai :

খোয়াই জেলা পুলিশ সুপার রমেশ কুমার যাদব আজ জানিয়েছেন, পূর্ব ত্রিপুরা আসনে লোকসভা নির্বাচনে ভোট গ্রহণের জন্য খোয়াই জেলায় ব্যাপক নিরাপত্তা ব্যবস্থা গ্রহণ করা হয়েছে। খোয়াই এবং তেলিয়ামুড়া মহকুমায় মোট ভোট কেন্দ্র ৩০৭টি। এর মধ্যে খোয়াইয়ে ১৪৭টি এবং তেলিয়ামুড়ায় ১৬০টি ভোট কেন্দ্র। খোয়াই জেলায় মহিলা পরিচালিত ভোট কেন্দ্র রয়েছে ১৩টি। স্পর্শকাতর ভোট কেন্দ্র ৭২টি। জেলা পুলিশ সুপার জানান, খোয়াই জেলায় নিরাপত্তার কাজে ১৫ কোম্পানি কেন্দ্রীয় বাহিনী এবং ৬ কোম্পানি টিএসআর মোতায়েন করা হয়েছে।

ACCIDENTAL DEATH :

গতকাল রাত পৌনে এগারোটা নাগাদ কাঞ্চনপুর থানা থেকে কর্তব্য সেরে বাসে করে ক্যাম্পে ফেরার পথে নিজের রাইফেলের গুলিতে প্রাণ হারান রাফে নাগেশ কেশব নামে এক বি.এস.এফ জওয়ান। তার বাড়ি মহারাস্ট্রের বুলদানা জেলার এরিয়াগাঁওতে। তিনি বিএসএফের ১৯৯ ব্যাটেলিয়ানের সি কোম্পানীতে কর্মরত ছিলেন। আজ কাঞ্চনপুর মহকুমা হাসপাতালের মর্গে ময়না তদন্তের পর কাঞ্চনপুর থানার পুলিশ মৃত দেহটি বিএসএফ কর্তৃপক্ষের হাতে তুলে দিয়েছে।

Transfer of Judges :

আদালতে বিচারকদের মধ্যে ২৬ জনের দায়িত্বে রদবদল হয়েছে। পোস্টিং পেলেন নতুন নিযুক্ত চার বিচারক। ত্রিপুরা হাইকোর্টের রেজিস্ট্রার জেনারেল বিশ্বজিৎ পান্ডে আজ রদবদলের বিজ্ঞপ্তি

জারি করেছেন। ত্রিপুরা জুডিশিয়াল একাডেমির অধিকর্তা হচ্ছেন বিচারক বিশ্বজিৎ পান্ডে। খোয়াই জেলার বর্তমান জেলা ও দায়রা বিচারক শঙ্করী দাসকে কৈলাসহরে পারিবারিক আদালতে বদলি করা হয়েছে। গোমতী জেলার জেলা ও দায়রা বিচারক হচ্ছেন শংকর লাল দত্ত। দক্ষিণ জেলার জেলা ও দায়রা বিচারক হচ্ছেন গোবিন্দ দাস। খোয়াই জেলার জেলা ও দায়রা বিচারক হচ্ছেন বেদ প্রতিম দেববর্মা, এবং অতিরিক্ত জেলা ও দায়রা বিচারক হচ্ছেন মানবেন্দ্র দেববর্মা। আগরতলা পারিবারিক আদালতের বিচারক রামদাস চট্টোপাধ্যায়কে বিলোনিয়া পারিবারিক আদালতে বদলি করা হয়েছে। আগরতলায় পারিবারিক আদালতের বিচারকের দায়িত্ব নেবেন রাজীব ভট্টাচার্য।

Deed Writers :

আগরতলা ডিড রাইটার্স এসোসিয়েশনের ৬৯তম প্রতিষ্ঠা বার্ষিকী আজ আগরতলায় পালন করা হয়। অনুষ্ঠানের প্রধান অতিথি হিসেবে উপস্থিত ছিলেন ত্রিপুরা হাইকোর্টের বিচারপতি অরিন্দম লোধ। তিনি তাঁর বক্তব্যে দেশের আইনি ব্যবস্থায় ডিড রাইটার্স দের ভূমিকার কথা তুলে ধরেন। এছাড়াও অনুষ্ঠানে উপস্থিত ছিলেন, পশ্চিম জেলার চিফ জুডিশিয়াল ম্যাজিস্ট্রেট সৈকত দাস, ধলেশ্বর রামকৃষ্ণ মিশনের সহ-সম্পাদক প্রভানন্দ মহারাজ।

Youth Congress :

ত্রিপুরা স্টেট কো-অপারেটিভ ব্যাংকের নিয়োগ পরীক্ষায় পি আর টি সি বাধ্যতামূলক করা এবং পরীক্ষা কেন্দ্র বহিরাজ্যের পরিবর্তে

রাজ্যেই ব্যবস্থা করার দাবিতে আজ যুব কংগ্রেসের পক্ষ থেকে ব্যাঙ্ক কর্তৃপক্ষের কাছে এক স্মারকলিপি প্রদান করা হয়। যুব কংগ্রেসের রাজ্য সভাপতি নীলকমল সাহা আজ এখবর জানান।

State wise 15 Cricket :

টিসিএ পরিচালিত অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতায় সদর-বি চ্যাম্পিয়ন হয়েছে। দুদিনের ফাইন্যাল খেলার শেষদিনে আজ বিশালগড়ের বিরুদ্ধে প্রথম ইনিংসে ১৩ রানে লিড নেয়ার সুবাদে সদর-বি খেতাব নিশ্চিত করে। নরসিংগড়ের পিটিএ মাঠে অনুষ্ঠিত খেলার দ্বিতীয় দিনে আজ ৩ উইকেটে ৩০ রান থেকে ব্যাট করতে নেমে বিশালগড় সবকটি উইকেট হারিয়ে প্রথম ইনিংসে ১২৪ রান করে। দলের পক্ষে সিদ্ধার্থ দেবনাথ ৬৮ রানে অপরাজিত রয়ে যায়। সদর-বি'র পক্ষে তুহীন দেবনাথ ৩৪ রানে ৪টি উইকেট পায়। এর আগে প্রথম দিনে সদর-বি প্রথম ইনিংসে ১৩৭ রান করেছিল।

Weather :

আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। তাপমাত্রা সর্বোচ্চ সাঁইত্রিশ ডিগ্রি এবং সর্বনিম্ন সাতাশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল সাঁইত্রিশ দশমিক আট ডিগ্রী সেলসিয়াস এবং সর্বনিম্ন সাতাশ দশমিক চার ডিগ্রী সেলসিয়াস। রাজ্যের উত্তর উনকোটি এবং ধলাই জেলায় বিক্ষিপ্তভাবে বজ্র বিদ্যুত সহ বৃষ্টি

সঙ্গে ঘন্টায় ত্রিশ থেকে চল্লিশ কিলোমিটার বেগে ঝড়ো হাওয়া বয়ে যাওয়ার সতর্কতা জারি করেছে আবহাওয়া দপ্তর। বাকি সব জেলায় বজ্র বিদ্যুত সহ বৃষ্টিপাতের সতর্কতা জারি করা হয়েছে। সারা রাজ্যে উষ্ণতাপ প্রবাহ এবং বাতাসে আর্দ্রতার পরিমাণ বৃদ্ধি অব্যাহত রয়েছে বলে আবহাওয়া দপ্তর থেকে জানানো হয়েছে।
